

Årsmelding for Øvre Naustdal Utmarkslag 2021

Historikk for årsmøter i ØNU sidan 2010 er å finne på nettsidene vår her:

<http://kringlen.com/onu-underside-aarsmote.html>

Styret har i 2021 vore samansett slik:

Normund Svoen – leiar

Odd Vonen – nestleiar

Anders Neset – sekretær/storvaldkontakt

Gudmund Eimhjellen – styremedlem/storvaldkontakt

Kjell Klopstad – styremedlem

Varamedlem:

Narve Fimland

Inge Svorstøl

Revisorar:

Olav Svoen

Torstein Svorstøl

Valnemd til årsmøte 2021:

Andreas Sørebo - leiar

Arne Dvergsdal

Rekneskapet er ført av Karen Marie Elvik Svoen

Styremøter

Arbeidet i ØNU har også i 2021 i liten grad vore ramma av Covid 19 situasjonen; kanskje ikkje så merkeleg for dei friluftaktivitetane vi legg opp til. I løpet av 2021 har vi hatt 2 styremøter. I tillegg eit møte med jaktfeltleiarane like før hjortejakta starta. Det har også som før om åra vore kommunikasjon over telefon, tekstmeldingar og epost. Det meste av aktiviteten vår har vore kommunisert over Facebook sida til ØNU og noko på tekstmelding til medlemmane.

Arrangement/ Prosjekt som laget har vore inne i siste året:

- **Årsmøte.** Arrangering av årsmøte 03.03.21 – Instedalen skule. 12 medlemer møtte. Som i 2021 blei det arrangert felles årsmøte for Utmarkslaget og det som tidlegare heitte storvaldet men som no er ein del av Utmarkslaget.
- **Fiskekortsalg og båtutleige.** Båtane har vore flittig i bruk store deler av sesongen – både i Svovatnet og i Vonavatnet. Nye garn har vorte innkjøpt og utplassert i boda ved Svobrua og har vore nytta ein del. I Vonavatnet garnleige som før med utgangspunkt i boda der. Også i 2021 har Utmarkslaget tatt ansvar for utsetting, innsetting og lagring av Barnas Turlag sine 2 kanoer i Vonavatnet og 4 H sine 2 kanoar ved Svobrua. Kanoane har vore mykje i bruk og er openbart eit godt familietiltak. Petter Fimland har fom sesongen 2022 sagt seg villeg til å følge med båtane i Vonavatnet. Bl.a. at dei er dratt opp, at bunnproppane er dratt ut, at dei er festa og ligg skikkeleg, at årane er plassert ved bua og at vestane er på plass og hengt opp slik at dei tørkar.
- **Betalingsparkering ved parkeringsplassen ved Vonavatnet og Øyjord.** God oppslutnad om betalingsparkeringa -utgjør ei viktig inntekt for laget og vi får betalt ut både for grunnleige (ved Vonavatnet) og brøyting (Øyjord) -jfr rekneskapen.

- **Utfisking i Vonavatnet** (utdrag frå rapport frå Ola Kringlen 27.10.21- jfr nettsida med årsmøtepapirer)

- **Antal oppfiska fisk**

- På dugnad: 797 fisk, av dette ca 80 % aure.
 - Innleigd: 4608 fisk, av dette ca 70% aure.
 - Totalt: 6042 fisk.

Dette er litt i underkant av antal oppfiska i 2020. Totalt sidan oppstart av prosjektet 42306 fisk.

Ola Kringlen har framleis ansvaret for koordinering av utfiskinga i Vonavatnet og gjer ein stor jobb med dette.

- **Trekning av reinsdyrløyver og jakta 2021**

Arne Dvergsal har ansvaret for å følge opp ØNU sine interesser når det gjeld villreinjakta i vårt område i Førdefjella villreinområde. Han deltek i møter, held orden på tildeling av løyver, trekning blant våre medlemmer, rapportering om avskyting etc.

I høve reinsdyrjakta i 2021 blei det delt ut ti løyver som blei fordelt slik:

Jølster 2 løyver (1 simle ungdyr, og 1 kalv.

Naustdal 3 løyver (1 simle ungdyr, 2 kalv)

Gloppen 5 løyver (1 simle ungdyr, 2 simler, 2 kalv)

Førde fikk ikkje løyve i år.

Trekning frå søkarar frå ØNU gav løyver slik:

Beste løyve blir trekt ut på Inge Svorstøl simle ungdyr, Asle Grimset fikk løyve på kalv,

Olav Svoen fikk løyve på kalv.

To av dei tre dyra utmarkslaget blei felt. Simle ungdyr og ein kalv.

Sjå elles <http://www.villrein.no/frdefjella-2/>

- **Småviltsituasjonen.**

Florø jeger og fisk lagde også i 2021 ein takseringsrapport for same området som dei gjorde i 2018, 2019 og 2020 for Nes, Godtdalen og Vonamarka. I ein rapport frå 23.09.21 skriv Rune Olsbø bl.a:

Konklusjon: *Vi tenker at vi har relativt likt bestandsestimater som for sist år, og det er ei god investering å forholde oss til svært avgrensa uttak, og innafor 15% regelen, der fokus vert sparing av stamfugl, med uttak av kyllingar. Vi legg som tidlegare, opp til tilbakemelding og jaktrapportering kvar dag, slik at vi kan justere kvote opp/ned, om det skulle vise seg å verte andre observasjonar enn takseringa gav.*

Jfr nettsida med årsmøtepapirer

Olsbø har også i 2021 jobba vidare med uttak av predatorer -hovudsakleg rev.

Stiprosjektet.

I 2021 ingen nye stiprosjekt. Kun vedlikehold av stiar som ligg der. Arne Dvergsdal har oppynet med stiane og merker omatt der merkinga er slitt eller forsvinn.

Årets utmarking 2021-22 utdelt til «Tone PåTur»Naustdalslid

Øvre Naustdal Utmarkslag si begrunning for utpeiking av årets «Utmarking» og for tildeling av laget sitt «Utmarkspass» for 2021:

«Utmarkslaget sitt styre har bestemt at laget år om anna kan dele ut ein pris - Øvre Naustdal Utmarkslag sitt Utmarkspass- til personar som har gjort ein særskilt innsats for å fremme interesser som fører til ein god og naturleg bruk av Utmarkslaget sine utmarksområder. Prisen/utmarkspasset blei første gang tildelt i 2020 og gikk då til Åsmund Bertelsen. Den andre prisen som blir utdelt – og som no skjer i 2021 – blir tildelt ein person som i årsvis

har brukt utmarksområda i Instedalen på ein forbilledleg måte. Prisivinnaren har formidla opplevingane sine av eit enkelt og kortreist friluftsliv på ein sær god måte bl.a gjennom sin Facebook-blogg. Mange har på denne måten vorte inspirerte til å fylgje i hennar fotspor. Avdi prisvinnaren i år sansynleg får ein noko avkorta sesong vil denne prisen gjelde både for sesongen 2021 og 2022. På grunn av Corona situasjonen blei prisutdelinga gjort digitalt.

- **Hjortejakt**

Jaktåret 2021 var tredje sesongen etter samanslåinga av Utmarkslaget og Instedalen Storvald. Det er framleis Gudmund Eimhjellen og Anders Neset som har hovudansvaret for hjortesaker i styret.

Like før hjortejakta starta blei det som dei to føregåande åra avholdt eit møte mellom styret og jaktfeltleiarane. All jakt samt «sette og skutte dyr» skulle rapportereast elektronisk på «Sett og skutt» (Hjorteviltregisteret). Styret har følgt med på rapporteringa i løpet av hjortejaktperioden. Rapporteringa har vore god dei siste 2 åra.

Fellingsstatistikk har vore løpande lagt ut på «Hjortebørsen» på Fb sidene våre. All informasjon er henta frå Hjorteviltregisteret som lagrar alle data ført av jegerane på «Sett og skutt». Med unntak av felling av skrapdyr som går utanom kvoten er der er ingen annan kontroll med fellingane enn det som blir ført på «Sett og skutt». Fellingane skal rapporterast kontinuerleg!

Hjortebørsen for Øvre Naustdal Utmarkslag/Instedalen Storvald pr 23.12.21 - altså ved jaktslutt 2021 viste: 30 dyr (av totalt 50 løyver) felte i 12 av dei 15 jaktfeltene i storvaldet. Detaljnformasjon for det enkelte jaktfelt blei lagt ut på Utmarkslaget sine Fb sider 30.12.21.

Informasjonen er henta frå <https://hjorteviltregisteret.no>

- **ØNU sin administrasjon av løyve til scooterkøyning i LV området.**

Også i 2020 var det få som nytta transportløyvet som ØNU administrerer på vegne av grunneigarane i LV området. Vi fekk i 2019 nytt løyve til å disponere 10 turar pr år som gjeld for perioden 2020 – 2024 - 2. jan til 15. april desse åra.

- **Tiltak ved Svobrua friluftsområde**

Styret har arbeidd med betre tilrettelegging av Svobrua Friluftsområde bl.a. med å få lagt ut sand i grundtområdet der folk bader. Samtidig arbeider styret saman med fleire om å få reist eit grindbygg over steinbordet/-benkane på plassen. Vi fekk innvilga midlar frå Utviklingsfondet til LV-området med

- til sand: kr 21500,-
- til grindverksbygg:kr 58500,-

Vi reknar med at budsjettet ifht sanden skal holde når vi set inn dugnad på utlegginga. Når det gjeld grindbygget har vi fått garanti frå fleire interessentar ifht dekning av eit evt underskot. Grindbygget er pr tidspunkt for årsmøtet ferdig produsert inne og klar for oppsetting til våren.

- **Økonomi**

Rekneskapen viser at vi i 2021 fekk inn kr 25 636,- på fiskekort/båtutleige og parkering – omtrent som i 2020, 4.500 meir enn i 2018 og 2019, ca kr 7 500 meir enn i 2017 og ca kr 11 500 meir enn i 2016. Dei fleste innbetalingane skjer no via Vipps.

Saldoen ved utgangen av året 2021 er kr 55090,- på driftskonto - ca kr 20 000 mindre enn ved inngangen av året. Medvirkande til dette er utbetaling av avgift på kr 24780,- til Sunnfjord kommune på søknad om dispensasjon for tiltak ved Svobrua Friluftsområde for oppsetting av grindbygg og for legging av badesand i strandområdet der. Vi har utestående midlar for dette prosjektet (fondsmidlar frå LV området og garantier frå lag og organisasjonar i Naustedalen) som vil komme til utbetaling når prosjektet er ferdigstilt, og som vil dekke inn dette.

På storvaldkonto er saldoen kr 18310,- - ca kr 4000 meir enn ved inngangen til året. Totalbeholdninga begge kontoer er ved utgangen av 2021 dermed ca kr 73000 – ca kr 15000 lågare enn ved utgangen av 2020.

Sjølv om bra økonomi gir oss noko handlingsrom er vi likevel nøydd til å tenke inntekter og begrense utgifter når dette er nødvendig. Det viser seg også at det er lett å få tildelt midlar når vi har gode prosjekt å søke på, og når vi kan gå saman med andre i bygda på prosjekt med felles interesse.

Sjå elles eiga sak på årsmøtet vedr økonomi ved gjennomgang av rekneskapen med revisjon av denne.

Deltaking i nemder og utval.

Rådgivande Utval i Naustdal/Gjengedal landskapsvernområde

Svein Svorstøl med vara Janne Lykke Svorstøl har representert ØNU styret/Naustdal kommune.

<http://www.nasjonalparkstyre.no/Naustdal-Gjengedal/>

Fondsstyret for Utviklingsfond for Naustdal-Gjengedal landskapsvernområde – Utmarkslaget har etter at Sunnfjord kommune blei oppretta ikkje hatt eigen representasjon i fondsstyret, men Olav Svoen er valgt som 1. vara

<https://gloppen.kommune.no/tenester/landbruk/utmark/utviklingsfondet-naustdal-gjengedal/>

Villreinutvalget – Førdefjella villreinområde. Arne Dvergsdal er Utmarkslaget sin representant.

<http://www.villrein.no/frdefjella-2/>

Villreinnemda for Sogn og Fjordane. Utmarkslaget har ingen medlem i nemda men Sunnfjord kommune har valgt ein representant som representerer heile storkommunen.

<https://www.villrein.no/sogn-og-fjordane-nemnd>

Prosjekt/drift som Utmarkslaget arbeide med i 2021 og som blir vidareført i 2022 er:

- Vedlikehald og overvåking utfisking i Vonavatnet.
- Vedlikehold av stimerking av stiar i ØNU sitt område.
- Småviltkartlegging i ØNU sitt interesseområde
- Sand til badeplass ved Svobrua friluftsområde.
- Grindbygg til Svobrua Friluftsområde.
- Dagleg drift med vedlikehold av parkeringsplassar og opparbeidd friluftsområde ved Svobrua, oppslag om fiskekort, parkeringkasser, vedlikehold av båtar, opprigging av utstyr om våren og nedrigging om hausten (båtar, kanoer, bord og benker, garn, parkeringskasser etc), kommunikasjon med kommune og administrasjonen for LV området bl.a. med uttale i forbindelse med søknader om motorisert ferdsel, løypekøyning, bygg og anlegg i ØNU sitt interesseområde.
- Ivareta alle forhold omkring hjortejakta, bl.a. møte med jaktfeltleiarane, diverse tiltak som kan fremme grunneigarane sine interesser omkring hjortejakta, overvåking av «Sett og Skutt» og passe på at rapporteringa skjer slik den skal. Planlegging av kurs – bl.a. ynskje

om slaktekurs som det ikkje blei noko av i 2021.

For meir info sjå nettsidene <http://www.kringlen.com/ONU.html>

Viser også til Øvre Naustdal Utmarkslag si Facebook gruppe -

<https://www.facebook.com/search/top/?q=%C3%B8vre%20naustdal%20utmarkslag>

Vi takker nok ein gong Ola Kringlen for leiing av utfiskinga og overvaking av fiskesituasjonen i Vonavatnet samt bidrag til å legge ut viktig info på ØNU si nettside under Vonaportalen. Vi må også legge til at styremedlemene i Utmarkslaget legg ned eit betydeleg dugnadsarbeid for laget – både praktisk og organisatorisk!

Florø 05.03.22

For styret i ØNU,

Normund Svoen

Leiar.